

**يعني ايه بنت؟**

ديوان بالعامية المصرية

اسم الكاتب:عبدالرحمن محمد

اسم العمل: يعني ايه بنت(شعر)

الطبعة الأولى : فبراير ٢٠٢٠

تصميم الغلاف: عمار جمال

تنسيق داخلي ومراجعة: أحمد مسعد

رقم الإيداع: ٢٠٢٠/٤٠٢١

الترقيم الدولي: ٦-١٤-٦٧٩٤-٩٧٧-٩٧٨

---

جميع حقوق الطبع محفوظة للناشر

لا يجوز استخدام أو إعادة طباعة أي جزء من هذا الكتاب بأي طريقة بدون

الحصول علي الموافقة الخطة من الناشر



دريم بن للترجمة والنشر والتوزيع والطباعة

البريد الإلكتروني: Dream.pen92@gmail.com

**يعني ايه بنته؟**

**ديوانه بالعامية المصرية**

**عبدالرحمن محمد عباس**



**دريم بن**

للرخصة والنشر والتوزيع والطباعة



# إهداء

إهداء إلي أمي كل حياتي

إهداء إلي أبويا ولخواتي

إهداء للي سابتني زمان

إهداء إلي أختي إيمان

إهداء لخديجة وميدو

إهداء إلي أخويا أحمد ولزوجته

إهداء للي ساندي من يوم ما بدأت على الدنيا أخطي

إهداء إلي مريم بنت أختي

إهداء إلي أخويا محمود

وليوسف آخر العنقود

إهداء للي معايا ثانية بثانية

إهداء إلى صفوة أختي الثانية  
إهداء إلى مصطفى عبدالخالق  
محمود نبيل وأستاذ عاطف وبناته  
(منه و مها والحلوة مودة)  
إهداء لبي معايا في المسرح  
إلي معاهم فعلاً بفرح  
إهداء علشاني  
إهداء لجيراني  
لصحابي ولكل حبايبي  
وبكل الحب أنا بهدي ديواني  
لمدير أعمالي أحمد تامر  
إهداء لقلوب فعلاً بتحب  
ولناس ليها تأثير على القلب  
(ندي عصام وأستاذة مرفت إبراهيم يسري)

إهداء إلي عبدالرحمن قاسم وفاطمة علاء وروان أيمن

إهداء خاص لشخص عزيز فعلاً على قلبي

صاحب عمري وصاحب صاحبه

من أيام الإبتدائية ولسه فاكرني

خالد مصطفى إلي واحشني

إهداء إلي طه عصام وزياذ محمود

إهداء الي عبده أسامة اللي معاه ضحكنا الدنيا

إهداء إلي عبده ممدوح وأخويا وصاحبنا الروح بالروح

ولحسن يسري ومشاكله

ولمحمود جمال ونكتة البايخة

الي بنسمعها نموت من الضحك

مع إنها فعلاً بايخة

إهداء للأيام الحلوة الي جمعنا

ولحارة صغيرة ملتنا

ولعب الكورة في عز الليل

وللأصابة بسيطة في الركبة

فبتلك وأطلع من الماتش

ما أنا ضد التاتش

إهداء فعلاً للغالين

ولبنت جميلة بتعدي رخمننا عليها

فبتضحك وتقول رخمين

إهداء إلي كل الي نسيهم

وبأكد تاني إهداء ليهم

إهداء إلي أبويا الي سانديني

زهري وسندي طول ماهو عايش

إهداء ليكي ياأمي الغالية

إهداء ليكي يا ست الكل

الفصل الأول

يعني ايه بنت؟

## يعني ايه بنت؟

انتي كل حاجة وأحلى حاجة

انتي من غيرك

مش هتسوى الدنيا حاجة

انتي حرة طول حياتك

تقدري فعلاً تقومي

تقدري فعلاً تساندي

تقدري على كل حاجة

بنت يعني ملاك بريء

بنت يعني أحلى شيء

مخلوق تحسه خيالي

بنت يعني شيء مثالي

مجتمعنا عشان عقيم  
حبسك جوه وهم قديم  
(البت مالهاش غير جوزها وبيتها)  
وهم فعلا عشنا فيه  
مستحيل نصدقه  
البت زي أي راجل  
من حقها تعيش حياتها  
هي حرة في اختيارها للبس وللحياة  
وللشخص اللي تعيش معاه  
الحياة أصلها أنثي  
لو كتبت مصر  
تلاقيها أنثي  
معني كلمة مدرسة  
بردو أنثي

البت فعلاً مدرسة

علمتنا حجات كثير

علمتنا إزاي نحس

علمتنا إزاي نحب

الراجل مهما كان راجل

مش هيقدر يستغنا عنها

يسوى ايه آدم

لو حوا ماكتتش جمبه

بنت يعني أم يعني أخت يعني زوجة

لما تحتاجها تلاقها

البت لما تعوز تخبي

تفضحها نظرات عنيا

عايزة اللي يحتويها

اللي يحسسها بالحنان

عايزة حبة إهتمام  
مهما كانت شايلة منك  
كلمة حلوة بترضيها  
بنت يعني قلب أبيض  
يعني وردة مهما دبلت  
لسه ريحتها باينة فيها  
بنت يعني دوا لكل العينين  
للي هربان من الوحدة  
ونفسه يخرج للحياه  
مش عشان لبست قصير  
تتحكم في حريتها  
مش عشان قدرت تكمل  
تقتل انت شخصيتها  
جوه كل بيت في مصر

شئ عظيم اسمه أم  
كل واحد عنده سر  
جوه بير اسمه أخت  
ياما بنت وقفت جمبك  
بـ ١٠٠ راجل في وقت زنقة  
من غيرها فعلاً حياتنا  
مش هيبقى ليها معني  
البت بجد نعمة ربنا هداها ليها  
حتي رسولنا الحبيب  
وصانا في يوم عليها  
ليه بنكتم حريتها  
مع إن الحرية أنثي  
الجنة على الدنيا هي  
واحنا على الدنيا بسببها

البت فعلاً شيء جميل

مستحيل نستغنا عنه

مهما قالوا عنك ضعيفة

ماتضعفيش

لو قالوا مش هتقدر كملي وماتخفيش

إنتي شيء مالوش بديل

إنتي أقوى من الحياة

إنتي قد المستحيل

البت معني للجمال

والجميل ديماً جميل

## بنت مصر

بنت جميلة ورقيقة

محبوبة من كل الناس

شخص كيوت وجميل طيب

قطعة من الماس

بنت بـ١٠٠ راجل أو أكثر

بنت لكن قطعة من السكر

بتطيب وتلين

وتحن بسرعة

بتحب بصدق

تتحن بسرعة

وفي وقت الفرح تكون جمبك

وفي وقت الشدة تشيل عنك

أقوي من البنت المصرية  
هتلف تلف مش هتلاقي  
في جروحك تلاقىها طبيب  
سنداك ومعاك وده مهما تغيب  
بتحب العند وده العادي  
وتحب الشخص اللي يدادي  
مجنونة بجد مش طبيعية  
وجننها ده حاجة بتحليها  
دي البنت المصرية  
أحلى من الدنيا وما فيها

## بنت حوا

تتحب في وقت جناها

و تحس بمعني حنانها

وقلقها وخوفها عليك

ده طبيعي عشان بتحبك

تستاهل كل الخير

تستاهل أكثر منه

تستاهل شكر كبير

علي كل ماينتج عنه

ماهي عمود الدنيا  
سنادانا في كل طريق  
البت بمعني الكلمة  
في الشدة بتبقى صديق  
في المينا هتبقى سيفتتك  
لو توهدت هتصبح برّ  
وهتفضل ضهرك ديماً  
ومعها هتفضل حر.

## الست دي ست الكله

شايلة حمل ثقيل عليها

ماشية كل حياقي بيها

نعمة رب الكون كرمننا

طول ماهي بتدعي لينا

ليها فضل كبير عليا

علمتني المسؤولية

علمتني حجات كتير

الست دي قلبها أبيض

نفسها تشوفني حاجة

الست دي أمي

وأمي ليا كل حاجة

الفصل الثاني

يشاء المولي يجمعنا

لكل العشمانيين في الله

## حبيب للبيع

حبيب للبيع ومركون جوه في باترينة

حبيب للبيع وينفع منه للزينة

حبيب للبيع ياسادة ياأفضال

ومسموح فيه بأي فصال

50% سالي حبيب للبيع و

حبيب للبيع ومنه كمان هيبقى هدية

حبيب للبيع مطيع بينفذ الكلمة

حبيب للبيع وسعره أقل من الجملة

ولسه العرض ده ساري

يومين بالظبط مين شاري

يا عالم بكرة منه يكون  
حبيب للبيع وقلبه حنون  
بقيت للبيع بأرخص سعر  
وفيك أبيات بتكتب شعر  
لأعارف وضعك الحالي  
لا عارف حتي مين شاري  
بقيت بتحب وتضحى  
لناس مش عايزة تضحية  
بترفع طاقه فوق طاقتك  
وتعمل قيمة  
لناس مالهمش شخصية  
بيجي الليل  
تقفل بابك  
تفكر

في مين سابق

ومين كان صاحبك ومين كان جنبك

ومين يسوى ومايسواش

بقيت في حياتهم ولا تسوى

بقيت للبيع كمان ببلاش

بتبعد زي مابتبعد

وجودك مابقاش فارق

وكنت انت اللي تظمن

وتسأل عنها في غيبها

يارجل سيبها لنصيبها

وشوفلك حد يستهلك

بتبكي إزاي وهي بعيد

مافيش ولا مرة تشتقلك

جريت صممت تحكلها

في كل مكان تحنلها  
وتسرح في العذاب وحدك  
ماجتش يوم في تفكرها  
وقولت أنا بيها هتعلق  
وهمسك فيها بسناي  
عشانها كمان أنا هتغير  
هعيش أكون واحد تاني  
وهسأل عنها وأطمن  
وهكتب عنها أحسن شعر  
بقيت للبيع بدون سعر

## بنا معاد

روحك حلوة ده لأنك أحلى  
هكتبلك غنوة بأسمك تحلى  
هكتبلك تاني لأني شاربيكي  
وبرغم فرقنا متعلق بيكي  
اخترتك إنتي ده لأنك شبيهي  
والناقص فيا لقيتوا أنا فيكي  
والناقص فيكي موجود فيا  
فعشان كده بنكمل بعض  
روحك حلوة وجميلة بجد  
ده لانك نعمه في حياتي بجد

ولأنك بسمه ولأنك فرحة  
ولأنك شجرة بالخير طارحة  
اخترتك انتي تكوني شريكتي  
وأنا هفضل أحبك  
وده مهما بعتي  
ده لأنك فعلاً سنداني  
وفي بعدك عني أنا بعاني  
ولحبيك عندي أنا معاني  
غير معني الحب  
قررت اختارك في حياتي  
وهكون ليكي الزوج والأب  
وبحبيك مش كلمة كفاية  
أنا راسم في القلب أنا صورتك  
وحفرلك اسمك جوايا

ده لأنك فعلاً تتحبي  
وماشفتش أنا فيكي عيوب  
ولأنك للعمر بداية  
وكل ما فيكي أكيد محبوب  
والله بحبك من قلبي  
وأكيد بنا معاد مكتوب  
هستنى أشوفك بالفستان  
وفي ايدك ماسكة بوكية ورد  
وهكون جمبك أنا بالبدلة  
من الفرحة هشيكل شيل من الأرض  
روحك حلوة ده لأنك وردة  
بتفتح مع ضوء الشمس  
ولأنك بدر جمال بينور  
مع وقت غروب الشمس

أنا فعلاً حبيتك انتي  
واختارتك من وسط الناس  
ولاقيتك في المينا سفنتي  
قلب بينبض بالاحساس  
أنا هفضل مستني معادنا  
لو هفضل مستني سنين  
أنا هصبر علي بعدك عني  
ماهبص لغيرك لو مين  
لو كنت العاصي دلوقتي هتوب  
لله في لله ديماً محبوب  
هستني أشوفك في معادنا  
علشان بنا معاد مكتوب

## يشاء المولي يجمعنا

بنا بلاد و بنا طريق كبير مسدود

بعيد عن بعض بنا حدود

بحبك مهما كنتي بعيد

بحبك حب مش موجود

بحن بقلب مليون شوق

لشارع كنا في بنتمشى

قعدنا وقولنا نتعشى

أوام الوقت بيعدي

وفجأة الرغي يسرقنا

دخلنا البيت في عز الليل

ماحدث فينا كان مكسور

ببص في ساعة قدام مني  
ونص الليل ناقصله كسور  
يدوب بتوضى وبصلي  
وبدعي تكوني انتي حلالي  
وبتمنى في يوم تبقي الحلوة أم عيالي  
نجيب بنت تشبهلك  
في تفاصيلك وفي جنانك  
وتبقى الحلوة بزيادة  
وتبقى جميلة في جمالك  
أنا بتمنى في حياتي  
تكوني معايا انتي وبس  
ولو هخسر كل شيء عادي  
كفاية إني كسبتك بس  
بحسك طففتي وبنتي

وشايف الدنيا هي انتي  
وشايفك كل شيء فيها  
هدية وربنا يحميها  
يشاء المولي يجمعنا  
وحيي أكيد ده ليه معني  
مشيت وياكي كالأعمى  
وقولت أكيد في يوم هوصل  
كأني غريق في نص البحر  
ورافض البر من غيرك  
كأني في صحراء أنا عطشان  
وجيت وشربت من بيرك  
بحبك حب والله ما هجبه أنا لغيرك  
واحشتيني وبفتكرك  
فبيكي لوحدي وتأثر

بشوف صورتك فبسر ح  
وقلبي أوام بيتكسر  
وأحن لكل شارع وكل كلمة  
وكل مرة شوفنا بعض  
وأحن لكل ضحكة وكل فرحة  
وأول مرة قبلنا بعض  
بحبك حب هستيري  
ماحدث حبه يوم غيري  
بحبك حب أحسن حب  
كأنك بدلتني الميري  
كأنك شيء وفي نيكوتين وأنا أدمنتك  
فصعب علياً إني أسيبك  
لأنك عمر وصحة وستر  
ورزق حلال وأجمل عطر

لأنك أم وأجمل بنت  
معاكي بجد أنا اطمنت  
مهما تكوني عني بعيد  
مهما تخيبي راجعه أكيد  
كلامي أكيد ده ليه معني  
ومهما بعدنا  
يشاء المولي يجمعنا

## وحشتيني

وحشتيني

مهما تكوني عني بعيد

مهما تغيبي عني أكيد

هتبقي انتي الي جوا القلب

وتبقي لوحدك المملكة

والباقي كله عبيد

واحشتيني

ونفسي بجد نتقابل

ونسمع بعض من تاني

نشيل الماضي من حسبتنا

ونبدأ ثاني من الأول  
نرتب من ثاني لدنيتنا  
تعالى وواجهى بعيوى  
مايمكن تبقي ظلمانى  
ويمكن فعلاً أتغير  
ساعتها هكون واحد ثاني  
بجد حبيبتى واحشاني  
ليه فاكرة إن الفراق سهل  
وأنا فى بعدك  
كأطفل وحيد مالوش أهل  
أنا لو هقدر أنساكى  
كنت نسيك من الأول  
بجبك وانتي سيبانى  
بمعنى أصح مش عيزانى

ده زي مافيا بردوا عيوب  
أكيد هتلاقي فيكي عيوب  
بلاش نمسك في غلطتنا  
هنتعب ياما في حيتنا  
وليه اصلا تعيريني  
بذنب بجد ماعملتوش  
فمش من حقك تعيريني  
لكن فعلا واحشيتيني  
مافي بنات كتير في الدنيا  
وقلبي اختارك بالتحديد من بنهم  
وقال تفرق كتير عنهم  
ليه بتختاري انك تقسي  
وتجرحي قلب شايفك غيرهم  
وشاب شاريكي بالغالي

وعايش هو بيعاني  
بجد حبيتي وحشاني  
تملّي تحبي في اللي بيجرح  
وعايش بس يلعب بيكي  
وسبتي الطيب الغلبان  
ورحتي لشخص أصله جبان  
لا يبحبك ولا عايزك تكوني معاه  
مجرد وقت بيقضي  
ده حتي لو انتي بتحبي  
مجرد وقت بيقضي  
بحاول فعلا أنساكي  
وراجع نفسي من تاني  
كفاية حرام عليك نفسك  
فحسي شوية باللي شاربيكي

وراعي بجد خوفه عليكي  
واوعي تسيبي نفسك لعبة  
في ايد شخص جبان  
عروسة وقت ما بيحتجها  
تطمئن قلبه بالحنان  
في بعدي بقيتي ضحية للخينين  
رميتي نفسك بس لمين  
ده كل اللي أنا عشته معاكي  
يدوب بالظبط هما يومين  
عيوبي أكيد هتتصلح  
وده علشاني مش علشانك  
عيوبك انتي عرفاها  
بلاش تداري جواها  
حياتنا كابوس

وكاتم فيها على أنفسنا  
يأما نموت واحنا بعاد  
يأما ما حدش يفارقنا  
هموت في العمر كام مرة  
وسيبك وانتي حرة  
دي آخر مرة هطلبها  
ومش هطلب ترجعي تاني  
وأخر كلمة هكتبها  
حبييتي بجد وحشاني

# ألف لا باس

ماتستغريش

ماهي كمان في حالة ياس

عينيك وعينيها متفهمين

مابنكم سين

ماحديش فاهمه إلا انتوا

حلمت ببكرة ورسمته

وهي كمان بتحلم بيه

بدون أسباب كلمكم زاد

وكننوا بعاد

وفجأة رجعتوا من الأول

وتاني بتبتدوا أحلام

كلام في كلام يجبر كلام  
ونرجع أقوي من الأول  
أنا لو تُهت هلائيكي  
دليل في حياتي همشي عليه  
بتسألني ليه؟!

لأنك عمري وحياتي  
وساعتي في كل أوقاتي  
صحابي وأهلي واخواتي  
وتاج علي رأسي شرفني  
أنا كل اللي يعرفني  
بيحسدني علي وجودك  
وجودك نعمة في حياتي  
حياتي نعمة بوجودك  
لقيتك فيها فحلويت

أنا بحلم بحتة بيت  
وبنت جميلة تشبهلك  
وواد يشبهلي في صفاتي  
ملامحه من ملامحي أنا لكن  
جماله من جمالك انتي  
يا أهلي وناسي وسفينتي  
وظفلة كأنها بنتي  
وببقا لوحدي بلقيكي  
معايا في وحديتي ونسي  
في عجزتي بتبقي عكازي  
فبسند بيكي على الأيام  
بعدي الصعب وياكي  
مابهتمش بأي كلام  
مفيش ولا شيء هيبعدني

ومهما لقانا يوعدني  
هتفضلي ساكنة جوه القلب  
ماحدث يسكنه غيرك  
حياتي عبارة عن انتي  
وانتي عبارة عن هي  
وهي عبارة عن عالم  
بعيش فيه يعيش فياً  
هدية؟!!

هدية وجيا علشاني  
على اسمي وعنواني  
لقتني ظهرت في حياتها  
كأني أنا أب  
أنا لو بجري في وريدك  
ماكنتش كل يوم هتحب

الفصل الثالث

فتاة أحلام

لكل العاشقين

ولكل اثنين على الكورنيش في أيدهم ورد

## فتاة أحلام

جميلة جمال ماهوش عادي  
ولو لفيت مش هشوف زيك في الدنيا دي  
وقلبك أبيض من الورد  
ملاك من السما عايش على الأرض  
بشوفك طفلة لسه نازلة علي الدنيا  
لاتعرف تكره ولا تحسد  
كإنك جية من الجنة  
بشوفك طفلة في عيوني  
بتلعب بس وتتهنى  
نسيت كل اللي كان قبلك

خطفتيني بطيبة قلبك  
وواعد نفسي مش هسيبك  
وقلبي بجد بقى حبك  
ياشمس تنور بنور هادي  
عشان تسعد قلوب الناس  
ويجي الليل علي غفلة  
فتظهري نجمة في السما بتنور لكل الناس  
يا أحلى طيبة وحنية وأحلى ملاك في وسط الناس  
وبكتب تاني علشانك  
عشان انتي اللي تستاهلي  
وشيفك صحبتي وأختي  
بجد واحدة من أهلي  
وبسرح وانتي عني بعيدة  
فحس بقلبك بيندهلي

ياوردة من ربيع عدا  
ولسه ريحتها فيها تفوح  
جميلة جمال ماهوش عادي  
ومستحيل الجمال ده يروح  
بشوفك حاجة سنداني  
وكل ما بضعف تقويني  
فعيزك جمبي طول الوقت  
معاكي أكمل نص ديني  
في عز المطرة بدعيلك  
وكل ما بسجد بدعيلك  
واسمك بيدأ بيه الدعاء قبل اسمي  
وكل ما بدعي بدعيلك  
يارب تعدي الأيام  
وأشوفك جمبي طول الوقت

وتبقى عروسة في الزفة

وأخذك جمبي ونسافر

نلف العالم ١٠٠ ألفة

يا طير عمره ماتقيد وكل حياته حرية

ويجي الصبح على الشباك

فيغنيلي أغنية

يا طير عمره ماتقيد

وكل حياته حرية

يطير وقت مايطير

ويرجع من تاني ليا

أنا عايزك تبقى جمبي

اسمك يبقى على اسمي

نجيب بنت تشبهلك

وواد يشبهلي في صفاتي

تسمي انتي اسم البنت  
وأسمي الواد على اسمي  
جميلة انتي وعايذك ديمًا بتبتسمي  
هدية وجات لي من الجنة  
تنادي عليًا وأنا تاية  
خذتني من حياة لحياة  
فبنسى الماضي والأيام  
عشان حابب حياي معاها  
قلبي اختار حياته معاي  
وشايف خير بيندهله  
ده شايفك انتي أصلًا خير  
تصبحي وانتي من أهله

## احساسه ثاني

بتغير جداً بوجودها  
وبفرح جداً لما بشوفها  
كأنها وردة في البستان  
وأتمنى في يوم إني أقطفها  
أدب أخلاق  
وأحلى مافيهها هو كسوفها  
لا عمرها يوم بتظلم حد  
وواقفة معايا وقت الجد  
ووقت ما قولت محتاجها  
لقيتها معايا ماسبتنيش

مفيش حد يشبها دي واحدة بجد منها مايفيش

قلبها أبيض طيبة بزيادة

بدور على سعادة الناس

دي رمز بجد للأحاساس

اسم بجد علي مسمى

بتحب الناس بتحب اللمة

وبكل حياتهم مهتمة

وبتسأل ديمًا عليّ يغيب

تطمئن ده لو حتى غريب

مختلفة في نظري أنا شخصياً

وماشفتش منها حرفياً

وأتمنى في يوم تبقى حلالي

ده أنا أكون أسعد إنسان في الدنيا

لو هي بجد أم عيالي

وعلى حبك أنا عندي دليل  
واسألني حتي نجوم الليل  
بحكلهم عنك على فكرة  
وبشوفيك في السما وسطهم  
ده انتي كمان أحلى مافيهم  
القمر بيغيب في وجودك  
ويظهر لما انتي تغيبي  
والشمس الصبح تشوفك نور  
فتغيب وتسيبك نور على الأرض  
ياأجمل وردة في وسط الورد  
أنا مش أقول إني أنا حبيتك  
هستني اليوم الي في بيتك  
تلاقيني جيلك بتقدم  
وشوية أسئلة من بابا

علشانك بس أنا هستحمل  
ويوافق طبعاً علشانك  
فبسرعة تجهزي فستانك  
وترني بسرعة على زمايلك  
يابنات أنا جاي لي عريس  
فترد زميلتك وبلهفة  
ابعتي صورة على الفيس  
هو اسمراه وعيونه مش خضراء  
بس أنا حباه مافهوش عيب  
والله الحب ما بالمنظر  
والراجل عمره ماكان بالشكل  
الراجل لو حب البنت  
بيضحى بنفسه علشانها  
والبنت لو حبت راجل

علشانه تبيع كل حياتها  
وأنا ياما قبلت بنات في الدنيا  
وقررت أختارك من بنهم  
حبيتك ونسيت الماضي  
ولقيت نفسي رسيت على بر  
أنا فعلاً محتاجك جمبي  
لو كنتي الخير  
أو حتي الشر

## جميلة انتي

جميلة انتي وتتحيي  
بقولها بجد من قلبي  
بسرعة خطفتي احساسي  
وقدرت أنسى اللي كان قبلك  
دخلتي قلبي بدون مفتاح  
بشوفك ببقى أنا مرتاح  
كأنك أم لطفل وحيد  
محتاجك جمبه عشان يرتاح  
ويفرح لما تضحكه  
فيجري وهو مطمئن

كأنك حاجة بتحلي في وقت الضيق  
فشوفتك أمي وأختي ولياً صديق  
وشفتك حاجة بتطمن  
بشوفها فبقى جريء  
حياتي معاكي هتبقى حياة  
وعشت سنين  
ماشوفتش راحة من قبلك  
وشفتك بس حبيتك  
وقولت مستحيل أنساه  
مسحت الماضي من عمري  
عشان حبيت حياتي معاكي  
جميله انتي جميلة الدنيا وياكي  
سؤالك مرة عن أمي  
خلاني أحس بطيبة قلبك

وحنية ما حستهاش في حد من قبلك

كأنك جيا في الدنيا عشان غيرك

حلمت معاكي بكام عيل

وحتت بيت

ودبلة لبسها في إيديا

وفرحة بسيطة فحلويت

وشفتك طيبة بتدور

على راحه لناس تنين

يا حاجة نادرة في الدنيا

ما شفتش منها اتنين

جميلة انتي

جميلة الضحكة من قلبك

جميلة انتي

جميلة الدنيا وأنا جمبك

صحيح عرفك  
يدوب شهرين  
لكن حبيتك كأني الشهر والشهر  
كانوا سنتين  
هعيش ليكي هكون ضهرك  
هكون سنديك  
هحاول أصلح الماضي  
وأعيش جمبك  
هكون ليكي أنا الصاحب  
وأنا الأب  
ومهما تلاقى فيا عيوب  
أكيد فيا حجات تتحب

## حياتي معاني

حبيبي وصحبتني وأختي

حبيبي وحياتي وعمري

بشوفك قمر في عز الليل

وحاجة جميلة بتحلي

بشوفها فبقا جميل

وضحكة لوتغيب عني

بحس بضعف طول الليل

حياتي جميلة وأنا جمبك

وشفتك فيها فاطمنت

يا أجمل حاجة في الدنيا وأجمل بنت

وجودك جمبي طمني  
وشلتي هموم كثير عني  
حياتي معاكي بتحلو  
وكل ما أشوفك تزيد سكر  
بحبك كلمة بسيطة جداً  
كأني بحبك من زمان وأكثر  
بحس براحة وأنا جمبك  
وأحس بضعف في غيابك  
كأنك حاجة سنداني  
ونفسي أشيل في يوم عنك  
حلمت إنك في يوم حلالي  
وياما حلمت وياما دعيت  
حلمت بينت تشبهلك بضحكتها بتملا البيت  
وشفتك أم بتدور على راحة لأولادها

وشفتك أخت لو لمست بايدها الجرح

بيشفى الجرح على ايدها

كأنك دوا لكل جروح

وحاجة جميلة فيها الجمال ما يروح

ولو راح الجمال من الشكل

بيفضل لسه جوه الروح

فأنا أحبك تكوني معايا

تكوني ليا صحبتي وبنتي

وصورتك تفضل قصاد مني

وكل حياي تكون انتي

ياشمس لو تغيب يوم يموت من البرد

ياحاجة جميلة ريحتها تفوح كريحة الورد

ياأجمل بنت نزلت على الأرض

كأنك طفلة بريئة من الذنوب

وأنا العاصي اللي شافك فقرر إنه يتوب

سعات جداً بكون قاسي

وبتنرفز وأكون عصبي

بشوفك بس برتاح

وأكون هادي لأنني بجد حبيتك

بشوفك نجمة في السما فوق

بتلمع لأجل ماتزين حياة الناس

خطفتي قلبي بدون احساس

فشوفتك نور وتاج علي الرأس

بحس بطيبة جواكي

وخير شيلاه لكل الناس

بحس بفرحة وأنا جمبك ياأغلى الناس

اوعديني تبقي جمبي تبقي سنادي وتبقي لياً

وهبقي قد المسؤولية

اوعديني يانور عنيا  
تبقي انتي الفرحة الي جيا

## حلمي هو انتي

أنا حلمي هو انتي  
عايزك انتي مهما كنتي  
ومعاكي انتي بس  
برجع تاني أيام طفولتي  
أيام ماكنت بحلم إن بكرة يجي وأكبر  
ماكنتش أفهم إني بكرة جي منه أكثر  
أيام ماكنت بحلم إنك انتي تبقي جمبي  
مشيت طريق طويل وفيه صدقت نفس حلمي  
أنا شايفك انتي أمي صحبتي  
فرحة حياتي  
أنا شايفك انتي أختي ضحكتي

بضحك يوماتي  
لو بس تبقي جمبي  
تبقي ليا كل شيء  
لو بس ترضي عني  
يرضا عني كل شيء  
انتي النفس انتي الحياة  
انتي النجوم وانتي النجاة  
العقل عقلي  
والفكر فيكي انتي  
والقلب قلبي  
وأنا قلبي حبك انتي  
ياوردة مهما طال بيها الزمان  
أبدًا ماتدبل  
وعيون جميلة حباني

وللفراق ماتقبل  
أنا عمري كله ليكي  
حلمي أكون حلالك  
أيوة ماين إيديكي  
كل اللي يدور في بالك  
ملاك بريء جريء  
على البر مش غريق  
أنا شايفك انتي فعلاً  
لحياتي أحسن طريق  
حلمي أعيش معاكي  
نبدأ مع بعض حياة  
ونجيب أحسن بنوثة  
في حضنك تسمع حدوثة  
وتنام على صوتك انتي

تصحى تصبح علياً  
وانتي خلاص كبرتي  
والعجز غير ملامحك  
وأنا بردو أكيد هتغير  
وزني يمكن يزيد  
ونعيش مع بعض ديماً  
العمر كله عيد  
ياللي انتي مش شبيهي لكن  
شبه النجوم في السما  
قمر اتغر بجماله  
من حقه ماهو قمر  
لو كل الدنيا شبيحك  
مش هيبقى فيها شر  
لو في في يوم غريق

بتكوني انتي بر  
أنا ليكي هبقى زهر  
وهكون عشانك أب  
وتكوني ليا أم  
وحجات كثير تتحب  
أنا ليكي هبقى بيت  
وده شئت أما أبيت  
وتكوني ليا حزن  
ادعي وقولي ديمًا  
أنا ياما ليك دعيت

الفصل الرابع  
عكس بعضه

لكل اثنين اختلفوا علي شيء تافه  
أدي الي فراقهم عن بعضه

## عكس بعضه

من يوم ماعرفتك

واحنا اتنين مختلفين

لا بنشبه بعض

ولا يوم كنا متفقين

من يوم ماعرفتك

واحنا اتنين بعاد عن بعض

بنوعد بعض

وبنقرب وفي لحظة بنخلف الوعد

هتكلم مثلاً لما قبلتك وعنيا جت في عنيكي

قولتي خلاص خلينا صحاب واخوات

لابقيننا صحاب ولا حتى اخوات

كنا يدوب اتنين في الرأي مختلفين

صممت عليكى كنت شارىكى

وبعت الدنيا

علشان بس أكون أنا لىكى

اخترتى تكونى انتى معاه

وأكيد حباه

فكل ما بنا هعتبره ماجاش

جربنا نعيش وماعشناش

هعتبره كابوس

وأنا كنت تقيل على قلبه بدوس

هعتبر الجرح شكة دبوس

وهستنى أشوفك تيجى فى أحضانى

وأنا هبعده عنك

مش أنا غدار وفى طبعى أنانى

أنا وانتي بنشبه الكلمة وعكسها

شرق الأرض وغربها

بنعتبر العد هو الحل

وانني لازم نبقى بَعاد

مش متفقين ولا متفهمين

أصل احنا اتنين مختلفين

ندهت يوم وقالتي استنى

شايفة حياتي معاك جنة

بس أنا مش عايزة أبقي معاك

زي ماأكون اخترت لنفسى

طريق كله هلاك

غصب عني

مش عارفة أغير اللي الدنيا رمتني عليه

أه على فكرة

أنا حباك وبهواك  
بس أنا مش عارفة أبقى معاك  
مشيت وقعت أفكر في كلامها  
قولت غريبة  
إزاي حباك  
وفي نفس الوقت مش عايزاك  
إزاي كرهاك  
وتيجي قصادك  
في وشك تضحك تفتح ليك ١٠٠ شباك  
كنت بشوفها كتير مع غيري  
وكذب نفسي وكذب عيني  
كنت عايزة تبقى حلالي  
كنت شاربيها وكنت حبيبيها  
بس خلاص

جت علياً فترة

ماكنتش عارف أكتب غير ليكي

وأجي أغير يوم تفكيري

علشان أكتب قصة جديدة

أكتب ليكي

حتي الشعر كان حبك

وقلبي من جواه حبك

كل كلامي كتبته عشانك

ده لو كان الحبر حبرك

ماكنتش كتبت ده كله عشانك

شكلك حلو وانتي معاه

وانتي بتضحكي مبسوطة وياه

ده أنا كنت معاكي

علطول نسياني

كان نفسي في مرة تحسي حنائي  
بس عجبني المنظر وانتي معاه  
مبسوط علشان شايفه مايبحبش  
وانتي ياعيني من قلبك حباه  
احنا اتنين مختلفين  
مينفعش نبقى لبعض  
ماينفعش نرجع تاني  
تخيلي المطرة بتنزل في الصيف  
والشمس بتظهر في الشتا  
شكل الدنيا هيبقى إزاي  
أهو احنا كده  
عكس عكاس  
انتي الشتا  
وأنا الصيف

انتي ربيع  
وأنا خريف  
أنا الجن وانتي النار  
أنا الليل وانتي نهار  
مش متفقين  
سعات بنكون متفهمين  
بس احنا اتنين مختلفين

## حقيقي الحب

حقيقي الحب بقى خدعة  
بحسه ساعات كمان بدعة  
وشوفت الناس بعين ثانية  
ده مين في الدنيا يستحمل  
يعيش محروم ولو ثانية  
كان نفسي بس أعيش  
وأتحب زي ماحب  
جربت أعيش وأحب  
مالقتش إلا الكذب  
إنسان بسيط جدًّا

وبحب كل الناس  
مالقتش حد يحب  
بالصدق والاحساس  
إنسان بخاف جداً  
وبراعي حب الناس  
فبلاش تكوني معاهم  
علياً أنا بالذات  
أنا قلب حبك فعلاً  
وبان عليه علامات  
لو شلت منك يوم  
بقا صعب نتصالح  
ويقولوا ليكي سيبني  
ماهو شاب غير صالح  
دلوقتي بان الفرق والطعم بقى مالح

فهنبكي ليه على الماضي والكل بقى جارج

لوحدى

حياتي كده أحسن

عشرت كتير وشففت كتير

فقولت الوحدة تستحسن

هناخد ايه من الدنيا

وبكرة نودع كل شيء موجود

ونبقا في دنيا غير الدنيا

وكل شيء أكيد ليه حدود

ومين الجاني ومين الظالم

ومين ليه حق ومين مالهوش

وشوش ببيان عليها عذاب

وغضب الله ووش بشوش

بنجرح بعض على الفاضى

ونفتح كل يوم باب  
ونحكي في قصة منتهية  
ماحدث فينا كان كداب  
وننسا نقول كان بنا حجات حلوة  
وعشرة عمر بتضيع وكام غنوة  
ونرجع تاني من الأول  
ندور على اللي بعنا زمان  
نقول عادي ده لسه في قلبه لينا مكان  
ونسى نعيش يومين حلوين  
نموت لو عشنا متفقين  
وديما نبقى مختلفين  
أنا مرتاح عشان سيبتك  
بعث وراضي عن نفسي  
ويجي في الكلام سيرتك

كأنك واحدة ما عرفهاش  
وأول مرة أسمع عنها ومهتمش  
عشان فعلاً ما حبتهاش  
وسيبك عادي تبقي معاه  
وقولت ياريت تكون حباه  
فمش هندم على اللي كان بنا  
وهتمنى تعيشي حياة

## مشع ندمان

أكيد عايش ومش ندمان

ومش سرحان

ومش علشان رجعتيلي

هسامح وأحن من تاني

ومش علشان قصاد عيني

هحس بضعف قدامك

وهنسى إنك في يوم قولتي

ياريت تبعد وتنساني

بلاش تبكي علشاني

ماياما بكيت علشانك

ياريتك حتى حسيتي  
بدمعة بتنزل من عنيا في غيابك  
ماتعتذريش على الماضي  
وتبكي تقولي سامحني  
عشان فعلاً أنا اتغيرت  
مايما سمحتك على الأيام  
ماشفتش يوم فيه بتعتذري  
وياما عشانك أنا اعتذرت  
بحبك من زمان لكني قدرت انساكي  
وبفتكرك وأنا لوحدي  
فبندم على الي عشته معاكي  
أكيد أحسن أنا كويس  
ومش محتاجك في يوم جمبي  
وهحتاجك أساسا ليه

وعمرڪ يوم ماشلتي همي  
ووقت فرقنا سبتيني  
وبترجاكي سمحيني  
مشيتي وسبتيني ببكي  
ودلوقتي بتعتذريلي  
مافيش حاجه هتخليني أحن ليكي من تاني  
افتكري كل كلامك ليآ  
وافتكري مين فارق الثاني  
مافيش أذار هتصلح حاجة مكسورة  
ماتعتذريش ده كان أوهام  
مافيش ولا ذكري في الصورة  
ومش عايز أشوفك تاني  
عشان برتاح وأنا بعيد  
وهفضل في راحة طول مانتني عني بعيد

ليه سبتيني من الأول  
وراجعة بتبكي علشانى  
ساعتها كنت أنا اللي شارىكي  
وبعتيني بأرخص سعر  
لاهبكي عشانك يوم  
ولاهكتب عشانك شعر  
ماشفتش فيكي حنية  
ولاحسيت براحه معاكي  
سعتها بجد حبيتك  
لكن والله بنساكي

## ملا مولاك شبيهي

مش كفاية؟

مش كفاية فراق كده؟!

ليه كل ده ؟

أنا شخص حبك مش جي يئذيكي

أنا شخص ساب الدنيا قرر يعيش ليكي

تكوني له انتي أم

وحجات كتير تتحب

ويكون عشانك أب

لو ميلتي يوم يسندك

ويكون عشانك دوا

وفي وجعه تبقي طبيب

لو يوم لمستي ايديه

الجرح كله يطيب  
الحب ماهوش عيب  
العيب فينا احنا  
حرمنا حتى الحب  
فالحب بقا محنة  
الحب للمساكين  
والمساكين دول احنا  
أنا وانتي  
مابنا سنين  
وعشرة عمر مش هتهون  
أنا مجنون  
بحبك انت والله  
ونفسي نكون  
مع بعض مش أكثر

أنا محتاج أكون جمبك  
لأنك في الحياة سكر  
بتحلى الدنيا لما بشوفك  
فبطير من الفرحة مع العصافير  
وأسرح في عيونك وكسوفك  
وعليكي بغير  
أنا طفل وحيد محتاجك جمبه  
محتاج تغير  
أنا شخص غريب وملامحك عنه  
ماتفرقش كثير  
أنا جي بقولك محتجلك  
محتاج تقدير  
أنا عايزك ده لأنك شبيهي  
وملامحك عني ما تفرقش كثير

## شكلك حبيبت

شكلك حبيبت

ودخلت في تغفلة الحب يا قلبي

شكلك حنيت

واشتقت لجرح سعيتها وجعني

مأنا كنت بعيد

كان هما يومين بالظبط وهمشي

تقبلها تميل وماتسألشي

وأشرحلك بردو ماتفهمشي

ومصمم تتعلق بيها

فبتشغل نفسك

وتسأل عنها

ودخل نفسك في متاهة

مش هتخرج منها

حبيت من تاني

صحصحي ثواني

هشركك تاني

وافهمني ياقلبي

الحب؟!!

الحب ياقلبي ماهوش بالساهل

مش كل اللي تحبه هيستاهل

ولا كل اللي اتحبوا ولاد ناس

بتحب على أساس

هضحني عشنها

اه هضحني عشنها

طب هي هتضحني عشانك؟

ده شيء عادي

وهتسأل عنها

ده أكيد

وهتسأل هي أكيد في غيابك

والله كويس

اتمك بيها

خليها في حضنك ماتسيبهاش

ماضعش بلاش

مستغرب صح؟

مستغرب إنك حبيتها

وفي فترة قصيرة حسيته

مع إنك لسه يدوب تعرفها

شخصية لذيذة صح؟

تتحب بسرعة

شوفتها علطول خدت الجرعة

واخترت كمان تبقى عشنها

حبيتها!؟

ايو يا قلبي أنا حبيتها

أنا فعلاً فعلاً حببتك

حسيتك بيت وفي فترة قليلة حنيت

أنا شفت الدنيا في عينك انتي

حسيتك بنتي

وصحابي وناسي وسفتي

حسيتك أختي

بحكيلك عني

بشكيلك همي

أصبحت خلاص بهتم برآيك

وأسرح بخيالي بعيد وبفكر

وأتخيل إن احنا لبعض

حوالينا عيال يجوز يطلعوا شبهك

مش شبهي أنا لكن

بتقولي يابابا وفي حضنك تبكي تقولك ماما

أنا نفسي نكون بابا وماما

لعيال لسه ماجوش في الصورة

جوايا حجات كانت مكسورة

بوجودك بدأت تتصلح

فبلاش تكونيلي جرح جديد

جرح زمان لسه مالمش

إزاي بعيونك ماهتمش

والماضي زمان أصبح ماضي

والحاضر أنا وانتني وبس

لو قلبك حس

احكي لي معايا

وجهيني وصرحي

أكيد عادي

أنا مش هحكى المرادي

ماهو ياما حكينا احنا الأول

ولبسنا في حيطه ماقومناش

مش متر قماش!!

مش متر قماش هيداوي الجرح

جوايا جروح مش هتروح

غير بيك وبس

لو قلبك حس

غنيلي بحبك

شغلي فيروز آخر الليل

واسرحي بخيالك واتمني

وقوليلي أنا جمبك

وأنا هفضل جمبك مش هسيبك  
أنا دقت معاكي طعم الراحة  
وجهيني وواجهك بصراحه  
تكونيلي الأم  
هكون لك أب  
أنا فيا عيوب وميزات تتحب  
هتكوني عشاني أنا هبقى عشانك  
هتكوني الدنيا أنا هبقى العالم  
في حجات مش ممكن تتعوض  
بس الأيام هتنسيني  
هنمسك في الحلم ده بادينا  
أكيد هنكمل  
وده أكبر وعد  
أنا وانتي اتنين بنكمل بعض

الفصل الأخير

إنسان طيب

لكل قلب أبيض يجب الناس  
من غير مقابل أو مصلحة

## إنسان طيب

شايف نفسه غير كده

إنسان طيب جواه خير

بيميل للشر أحياناً

أو شخص مؤدب والناس جباه

جواه صايح ما

فاكر نفسه كده مداري

لكن كل الناس فاهماه

صوته مش عالي ومش عصبي

ديماً هادي

شيفاه شخص أو إنسان عادي

شيفاه راجل بيغير من كل الي معاها  
شايفة الغيرة حاجة جميلة  
لو بس يقلل منها شوية  
إنسان قلبه أبيض ونضيف  
أحياناً سمج وسخيف  
لكن من جواه شخص نضيف  
يوم بتقرب ويوم في الثاني في أسبوع بتبقى بعيد  
وهو يدوب بيحن لصورة في شات بنهم  
ويرجع ويقلب في الشات من أول وجديد  
لما يبسأل ليه بتغيبي بترد تقوله دنيا تلاهي  
أنا عذرك فعلاً دنيا تلاهي  
زي ملاهي حبة تعلي وحبه تواتي  
ضيقة جداً زي قميص يدوب فصلته على قدي  
شايك هو حاجة مستحيل يستغنى عنها

حاجة سنداه وبتقوي

حاجة لو فضلت جمبه طول الوقت

هيفضل واقف على رجله مهما الدنيا هتيجي عليه

خليكي معاه مش هتلاقي حد يحبك زيّه

وأكيد عارفة كده كويس عارفه إنه طيب وكويس

يستاهل كل الخير يستاهل أحسن من اللي فات

بس انتي شيفاه غير كده

وشايفة إني انتوا اتنين اخوات

بيقولها في سره وهو لوحده

يوم ماهتيجي وتتقدم

هتقولك مايصحش احنا اخوات

وفيها ايه لو يبقى الصاحب والأخ

ويكون هو الزوج والأب

ويبقى عشانك كل الدنيا

وتبقي في عينه انتي الدنيا  
إنسان طيب مولود على الفطرة  
مخلوق علشان أرض بتتعمر  
أو يبقى أساساً صاحب فكرة  
إنسان حبك وشاريكي إنسان عمره مايلعب بيكي  
إنسان لو فكر يثديكي بيموت قبل مايفكر  
إنسان شاف نفسه في بعدك طير  
مكسور ونفسه يطير ومتقيد  
وطفل يتيم بيحن لأهله  
في ليلة العيد ونفسه يعيد  
شاف حبك ده اختبار راسب فيه  
لاجاب مقبول ولا جاب جيد  
فيطلب منك تبقي معاه  
وتحسي شوية وتهتمي

ولو انتي شيفاني أخواكي  
فأنا شايفك أختي ومن دمي

## بعد شبابك

أيوة هتتغير بمزاجك

أو غصب عنك

والعمر كمان بيك هيعدي

والوقت أوام يهرب منك

مستني الدنيا في يوم تضحك

وهتفضل قاعد على الفاضي

لاتعرف تتكلم تاني

وبالواقع هتكون راضي

وصحابك دول صوره وبس

ولا مرة قلوبهم هتحس

واللمة وكل اللي ما بنكم  
هتروح منكوا كمان على الفاضي  
أيام بتعدي وسنين بتمر  
مش هتفرق ماهو ده العادي  
مستعجل ليه إنك تكبر  
بكرة هتتمنى في يوم تصغر  
وتحس بقيمة سنك كشباب  
ضيците من غير أسباب  
وتشوف الدنيا بلون تاني  
ماهي قفلة في وشك مليون باب  
هتتحس بخوف أهلك وقلقهم  
لما تشوف ابنك قدامك  
وسعتها هتتعلق بيهم  
علشان حسيت فعلا بقيمتهم

حلمك بس تعيش فيك صحة  
وتعيش بين الناس مسطور  
لا هتسلم يوم تبقى قيادة  
ولا هتسطر حلمك في سطور  
كل الموضوع إنك فعلاً  
ضيعت شبابك في تفاهة  
حتى البنت اللي مشيت وياها  
كان بس مجرد وقت معاها  
لاكان بنكم حب ولامشاعر  
كل الموضوع سن مراهقه  
سنة عدا أوام كبرت  
شفت الدنيا ألوان بهتة  
كان جواك طاقة تهد  
مليون سد ومليون سور

لما كبرت خلاص عجزت  
فاضل ليك في العمر كسور  
دايرة ولازم فيها هتلف  
وخلص جرحك لاهيتغطي  
ولا هيجيله وقت يخف  
وهي أيام في الآخر عدت  
حتي الحبر خلاص هي جف

## أطيبه من اللازم

مبسوط في كل اللي أذاني  
واستنى في يوم يشمت فيا  
وبقوله أنا واقف قدامك  
وأديني أهو على رجليا  
سيبتك تتكلم على الفاضي  
وبكل كلامك أنا راضي  
الشكل زمان غير دلوقتي  
والحال بقا أحسن من الأول  
والدنيا خلاص بدأت تضحك

وأنا طبعاً هعرف ناس غيرك

وده كله بقلة تقديرك

مش قلة أصل

أنا ياما استحملت عشانكم

وماحدث شلني في أزماي

أنا طيب أنا على نيائي

بصراحة مابقتش ضامنكم

أنا طيب مانفعلش معاكم

والله أنا أطيب من اللازم

وبساعد نفسي أنا بنفسي

مش محتاج أي مساعدة

وبحاول أتأقلم ع الوضع

أنا فعلاً مليت من القاعدة

سيب اللي اتكلم يتكلم

بكرة هتثبتله بأفعالك  
إنك إنسان فعلاً طيب  
ودي حاجة وحيدة وبقيالك  
أنا خير في حياة كل اللي عرفني  
أنا خير في حياة كل اللي عشريني  
اسئلوا عني صحابي  
وبلاش أهلي  
لتقولوا ده أهله وبيداروا  
أنا بكره أنا هثبت للكل  
إن أنا هقدر أعيش من غيركم  
أنا فعلاً إنسان طيب  
وبسامح كل اللي أذاني  
ولا مرة أذيت إنسان تاني  
أنا فعلاً فعلاً إنسان طيب

## بكرة جايبه ضي أحلى

بكرة جايب ضي أحلى

بس عايز منا حب

بكرة جايب ضي أحلى

بس نخرج من الجحور

نملى كل الدنيا نور

كلمة حلوة من اللسان

توصل لغيرنا السرور

ننسى كل الهم

نضحك لبكرة

بكرة جي جيل جديد

جيل مهندس

جيل طبيب  
واللي يوصلنا لفكرة  
نفتح لبعض القلوب  
تسمع مني  
أسمع منك  
وسط الناس تكون محبوب  
سيب الناس تجيب في سرتك  
من وراك من قصادك  
مش هتفرق  
كل حاجة في الدنيا رايحة  
مش هيبقى إلا سيرتك  
خد وودي في الكلام  
مش لأزم يعني الجدال  
بكرة جايب ضي أحلى

ليك ولياً وللعيال  
بكرة الشمس تظهر  
وتنور بنورها  
بس خلي في قلبك صبر  
بكرة جايب ضي أحلى  
ومافيش حته هتبقى نور  
إلا ما الشمس تزورها  
يوم تضيق ويوم بتوسع  
مش لأزم تحسب لبكرة  
إن بعد العسر يسرا  
خلي الفرحة تملئ القلب  
نعرف معني كلمة حب  
بكرة جايب ضي أحلى  
بس عايز منا حب

## حكاية نفس

مكتب وأبجورا بنور هادي  
مزيكا جميلة على الهادي  
كوباية القهوة والكشكول  
وقلمي الحبر ده العادي  
في أوضتي لوحدي أنا برتاح  
حياة ثانية بعيد على الناس  
لابسمع سب ولا حورات  
ولا اشغل نفسي بالتفوهات  
وراضي بكل شئ مكتوب  
وعارف إني فيا عيوب

ومش محتاج مساعدة حد

أنا مرتاح لوحدي بجد

بقالك فترة مش باينة ومش ظهرة

في ناس بتموت من القهرة

رسايلك حتى مابتوصلش

في حاجة غريبة مابتحصلش

كلامك كله بيقطع

وصوتك حتى مش واصل

أنا مليت أنا تعبان

ومحتاجلي يومين فاصل

بقابل نفسي مع نفسي

ونشرب فنجانين قهوة

ونفسي تقول لنفسي كلام

فبتعب من الكلام سهوة

بكلم نفسي ده العادي  
وبخرج في الحياة وحدي  
بطبطب عادي وبدادي  
وباخذ في الكلام ودي  
وبضحك بردو مع نفسي  
لأن النفس دي حكاية  
بقيت مجنون أنا في قربك  
تعبت خلاص كده كفاية  
ملاحك بردو أنا نسيته  
وشفتك بس ماعرفكيش  
كتبت حكاية وحكيته  
وكنتي معايا ماسمعتيش  
فنفسي بجد سمعتني  
فقولت معاها أحكي وعيش

في شخص هناك على الكورنيش  
لوحده ييحي مع نفسه  
يجبلها وردة فبتفرح  
ووردة عشانه من نفسه  
ييحي السر بتصونه  
ووقت الشدة بتعونه  
بيسند نفسه ده بنفسه  
ماحدث في الحياة سانه  
وحب بجد ماتحبش وكل الدنيا بتعانه  
وشاف في الدنيا دي علامات  
فقرر إنه يتغير  
ويبعد عن البشر بالذات  
فحب النفس أصبح صح  
طلما الناس ماتتجبش

فقرر ببقى شخص وحيد

وغير النفس ما يحبش

## الفهرسة

- \*الفصل الأول: "يعني ايه بنت؟".....ص٩
- يعني ايه بنت؟.....ص١٠
- بنت مصر ..... ص١٦
- بنت حوا ..... ص١٨
- الست دي ست الكل.....ص٢٠
- \*الفصل الثاني: "يشاء المولي يجمعنا".....ص٢١
- حبيب للبيع ..... ص٢٣
- بنا معاد.....ص٢٧
- يشاء المولي يجمعنا.....ص٣١
- وحشاني.....ص٣٦
- ألف لا بأس.....ص٤٢

|       |      |                             |
|-------|------|-----------------------------|
| ..... | ٤٦ص  | *الفصل الثالث: "فتاة أحلام" |
| ..... | ٤٨ص  | فتاة أحلام                  |
| ..... | ٥٣ص  | احساس تاني                  |
| ..... | ٥٨ص  | جميلة انتي                  |
| ..... | ٦٢ص  | حياتي معاكي                 |
| ..... | ٦٧ص  | حلمي هو انتي                |
| ..... | ٧٢ص  | *الفصل الرابع: "عكس بعض"    |
| ..... | ٧٤ص  | عكس بعض                     |
| ..... | ٨١ص  | حقيقي الحب                  |
| ..... | ٨٦ص  | مش ندمان                    |
| ..... | ٩٠ص  | ملاحك شبيهي                 |
| ..... | ٩٣ص  | شكلك حبيت                   |
| ..... | ١٠٠ص | *الفصل الأخير: "إنسان طيب"  |
| ..... | ١٠٢ص | إنسان طيب                   |

بعد شبابك.....١٠٧ص

أطيب من اللازم.....١١١ص

بكرة جايب ضي أحلى.....١١٤ص

حكاية نفس .....١١٧ص

الحمد لله الذي بنعمته تتم الصالحات